



AKTA SYARIKAT (PINDAAN) 2024

PENGENALAN

Rang Undang-Undang Syarikat (Pindaan) 2023 telah diluluskan Dewan Rakyat pada 28 November 2023 dan seterusnya diluluskan Dewan Negara pada 13 Disember 2023.

Rang Undang-Undang Syarikat (Pindaan) 2023 telah mendapat Perkenan Diraja pada 24 Januari 2024 dan seterusnya diwartakan sebagai Akta Syarikat (Pindaan) 2024 pada 2 Februari 2024.



@SSMOFFICIALPAGE



AKTA SYARIKAT (PINDAAN) 2024

Akta Syarikat (Pindaan) 2024 mempunyai dua objektif utama :

Memperkukuh kerangka rehabilitasi korporat

- Memudahkan syarikat yang menghadapi masalah kewangan
- Menyokong pemulihan ekonomi serta daya saing negara

Mempertingkatkan ketelusan korporat

- Pelaporan pemunyaan benefisial yang menyokong aktiviti penguatkuasaan terhadap pengubahan wang haram, pembiayaan keganasan, rasuah dan jenayah berat lain
- Menyokong penilaian *Financial Action Task Force (FATF)* dan *Organization for Economic Cooperation and Development (OECD)* terhadap Malaysia



@SSMOFFICIALPAGE



AKTA SYARIKAT (PINDAAN) 2024

Akta Syarikat (Pindaan) 2024 mengandungi 31 Fasal yang terdiri daripada empat (4) kluster polisi :

KLUSTER POLISI 1

Memperluaskan pemakaian mekanisme penyelamat korporat : Perkiraan Sukarela Korporat (CVA) dan Pengurusan Kehakiman (JM)

KLUSTER POLISI 2

Memperkukuh kerangka rehabilitasi korporat melalui :

- i. Penambahbaikan peruntukan yang berkaitan skim perkiraan atau kompromi
- ii. Penambahbaikan peruntukan-peruntukan berhubung CVA/JM

KLUSTER POLISI 3

Memperkukuh kerangka pelaporan pemunyaan benefisial

KLUSTER POLISI 4

Menambahbaik amalan dan tadbir urus korporat



@SSMOFFICIALPAGE



AKTA SYARIKAT (PINDAAN) 2024

Kluster Polisi 1 : Memperluaskan Pemakaian Mekanisme Penyelamat Korporat – Perkiraan Sukarela Korporat (CVA)

**POLISI
SEDIA ADA**

HANYA terhad kepada syarikat persendirian yang tidak mempunyai gadaian atas mana-mana aset

PEMBAHARUAN

DIPERLUASKAN kepada semua syarikat sama ada mempunyai kepentingan cagaran ke atas asetnya (gadaian) atau tidak

Mengurangkan kos rehabilitasi Syarikat yang menghadapi masalah kewangan, memanfaatkan rundingan luar mahkamah serta menjamin hak pemiutang



@SSMOFFICIALPAGE



AKTA SYARIKAT (PINDAAN) 2024

Kluster Polisi 1 : Memperluaskan Pemakaian Mekanisme Penyelamat Korporat – Pengurusan Mahkamah (JM)

POLISI SEDIA ADA

JM terpakai kepada semua syarikat **KECUALI** syarikat dalam senaraian awam serta syarikat yang di bawah Akta Pasaran Modal dan Perkhidmatan 2007 dan undang-undang yang dikawal selia oleh Bank Negara Malaysia (BNM)

PEMBAHARUAN

Memperjelaskan peruntukan sedia ada agar JM dapat **DIPERLUASKAN** kepada semua syarikat termasuk syarikat dalam senaraian awam

Memberikan manfaat kepada syarikat yang mengalami masalah kewangan termasuk syarikat senaraian awam untuk merehabilitasikan perniagaan tersebut



@SSMOFFICIALPAGE



AKTA SYARIKAT (PINDAAN) 2024

Kluster Polisi 1 : Memperluaskan Pemakaian Mekanisme Penyelamat Korporat – Pengecualian Kepada Peraturan AM

CVA dan JM - TIDAK terpakai kepada :

- Syarikat yang dilesenkan oleh Bank Negara Malaysia (BNM)
- Syarikat yang diluluskan di bawah Bahagian II, III, IIIA dan VIII dilesenkan di bawah Akta Pasaran Modal dan Perkhidmatan 2007 (Akta 671)
- Syarikat diluluskan di bawah Bahagian II Akta Perindustrian Sekuriti (Depositori Pusat) 1991 (Akta 453)

Syarikat-syarikat tersebut perlu mematuhi prosedur pelaporan tadbir urus serta polisi kewangan yang spesifik yang dikawal selia sepenuhnya oleh BNM atau Suruhanjaya Sekuriti sekiranya Syarikat tersebut menghadapi masalah kewangan



@SSMOFFICIALPAGE



AKTA SYARIKAT (PINDAAN) 2024

**Kluster Polisi 2 :Memperkukuh Kerangka Rehabilitasi Korporat –
Penambahbaikan Peruntukan Berkaitan
Skim Perkiraan Atau Kompromi (SPK)**

**POLISI
SEDIA ADA**

SPK digunakan untuk menstruktur semula syarikat supaya lebih kukuh atau tujuan memasuki skim kompromi dengan pemiutang

PEMBAHARUAN

Menambah baik keseluruhan SPK dengan memperjelaskan peruntukan-peruntukan berkaitan moratorium, peranan pengamal insolvensi, pembiayaan penyelamat (*rescue financing*) dan *cram down*

Memperkukuh kerangka SPK selari dengan amalan terbaik antarabangsa & membantu syarikat yang menghadapi masalah kewangan untuk terus beroperasi dan menyumbang kepada ekonomi negara



@SSMOFFICIALPAGE

AKTA SYARIKAT (PINDAAN) 2024

Kluster Polisi 2 :Memperkukuh Kerangka Rehabilitasi Korporat – Penambahbaikan Peruntukan Berkaitan Skim Perkiraan Atau Kompromi (SPK)

Pembaharuan :

- Pelantikan pengamal insolvensi berhubung dengan skim perkiraan atau kompromi yang dicadangkan termasuk kewajipan, saraan dan hak aksesnya kepada semua rekod syarikat
- Peruntukan tentang permohonan perintah halangan. Syarikat boleh mendapatkan perintah halangan tidak melebihi tiga (3) bulan dari tarikh perintah halangan itu diberikan dan suatu lanjutan tidak melebihi sembilan (9) bulan boleh diberikan jika ia memenuhi keperluan
- Memperkenalkan tempoh moratorium yang tidak melebihi dua (2) bulan yang berkuatkuasa selepas pemfailan suatu perintah halangan di bawah SPK
- Mengelak penyalahgunaan proses - memperkenalkan tempoh *cooling off* 12 bulan sebelum permohonan baharu SPK dibenarkan jika perintah halangan telah diberikan
- Memperkenalkan pembiayaan penyelamat (*rescue financing*) untuk syarikat dalam suatu SPK dan supaya pembiayaan penyelamat diberikan penarafan keutamaan paling tinggi sekiranya berlaku penggulungan
- Memberi kuasa kepada Mahkamah untuk mengarahkan persetujuan kelas pemiutang (*cramdown*) dan berpuas hati bahawa kelas pemiutang yang menentang tidak terjejas apabila meluluskan SPK



AKTA SYARIKAT (PINDAAN) 2024

**Kluster Polisi 2 :Memperkukuh Kerangka Rehabilitasi Korporat –
Penambahbaikan Peruntukan Lain Berkaitan Perkiraan
Sukarela Korporat (CVA), Pengurusan Kehakiman (JM)
dan Skim Perkiraan atau Kompromi (SPK)**

- Perintah JM boleh dilanjutkan untuk tempoh enam (6) bulan atau suatu tempoh lebih lama supaya perintah JM yang diluluskan boleh terus berkuatkuasa melebihi dua belas (12) bulan
- Pembiayaan penyelamat untuk syarikat di bawah perintah JM
- Membenarkan pemiutang bercagar untuk mendapatkan semula harta alih bercagar semasa tempoh moratorium CVA/JM
- Memperkenalkan polisi baharu bagi menangani fasal berkaitan insolvensi di bawah mana-mana kontrak untuk pembekalan barangan dan perkhidmatan penting antara pembekal dan syarikat



@SSMOFFICIALPAGE

AKTA SYARIKAT (PINDAAN) 2024

Kluster Polisi 3 :Memperkukuh Kerangka Pelaporan Pemunyaan Benefisial Polisi sedia ada :

- **Seksyen 56 Akta Syarikat 2016** telah memperkenalkan kerangka pelaporan benefisial di mana syarikat dikehendaki mendapatkan maklumat pemunya benefisial, merekod serta melaporkan maklumat tersebut kepada Pendaftar
- Terdapat jurang perundangan yang perlu diatasi supaya selaras dengan amalan terbaik dan piawaian antarabangsa seperti yang dianjurkan oleh agensi antarabangsa seperti FATF dan OECD. Pemunya benefisial adalah individu atau orang perseorangan yang akhirnya memiliki atau mengawal sesebuah entiti.

Pembaharuan :

- Meningkatkan ketelusan maklumat pemunyaan benefisial yang diserahkan simpan dengan SSM dan membantu agensi penguatkuasaan dan kawal selia termasuk PDRM, BNM dan SPRM untuk memudahkan siasatan dan membanteras jenayah serius yang berselindung di sebalik entiti perniagaan seperti pengubahan wang haram, pembiayaan keganasan, rasuah dan pengelakan cukai.



AKTA SYARIKAT (PINDAAN) 2024

Kluster Polisi 4 : Penambahbaikan Amalan dan Tadbir Urus Korporat

- Laman sesawang rasmi SSM boleh memudahkan dan digunakan untuk menerbitkan maklumat dan warta menggantikan keperluan perundangan bagi menangani isu-isu praktikal di mana tiada lagi edaran surat khabar fizikal secara meluas di seluruh Malaysia dan boleh mengurangkan kos tinggi untuk pengiklanan.
- Pendaftar diberi kuasa untuk mengeluarkan garis panduan bagi memastikan bahawa prinsip kebebasan juruaudit dikekalkan berkaitan pelantikan juruaudit yang mempunyai pasangan yang bekerja dalam syarikat atau kumpulan syarikat yang akan diaudit oleh firma audit itu
- Menghendaki Penyelesai melaporkan butir-butir mereka kepada Pendaftar selepas lesen diluluskan



@SSMOFFICIALPAGE



AKTA SYARIKAT (PINDAAN) 2024

Soalan-Soalan Lazim

Apakah mekanisme penyelamat korporat dan tujuannya?

Akta Syarikat 2016 memperkenalkan kerangka mekanisme penyelamat korporat dalam bentuk perkiraan sukarela korporat (CVA) dan pengurusan kehakiman (JM). Kerangka mekanisme penyelamat korporat bertujuan untuk melindungi kepentingan semua pihak berkepentingan, termasuk syarikat, pemiutang dan pemegang saham, serta menyediakan proses yang berstruktur dan telus bagi syarikat yang mengalami masalah kewangan untuk menangani krisis kewangan yang dihadapi.



@SSMOFFICIALPAGE



AKTA SYARIKAT (PINDAAN) 2024

Apakah yang dimaksudkan dengan Perkiraan Sukarela Korporat (CVA)?

CVA menyediakan satu bentuk persetujuan penstrukturan semula yang pada masa kini tersedia untuk syarikat persendirian sahaja. Proses CVA membolehkan syarikat yang mengalami masalah kewangan untuk memasuki pelan atau perkiraan dengan pemiutang tanpa perlu mempunyai pelan atau perkiraan yang diluluskan oleh Mahkamah.

Selepas pemfailan CVA ke Mahkamah, moratorium selama 28 hari akan bermula dan akan melindungi syarikat daripada sebarang prosiding undang-undang termasuk petisyen untuk menggulung syarikat. Tempoh moratorium boleh dilanjutkan kepada tempoh maksimum 60 hari. Tempoh moratorium adalah penting bagi membolehkan syarikat mempertimbangkan pelan atau perkiraan dengan objektif memulihkan syarikat.

Pada masa ini, ketersediaan CVA sebagai mekanisme penyelamat hanya terhad kepada syarikat persendirian yang tidak mempunyai gadaian ke atas aset atau aku janji syarikat tersebut.



@SSMOFFICIALPAGE



AKTA SYARIKAT (PINDAAN) 2024

SOALAN-SOALAN LAZIM

POLISI 1 : PELUASAN PEMAKAIAN MEKANISME PENYELAMAT KORPORAT, PERKIRAAN SUKARELA KORPORAT [CORPORATE VOLUNTARY ARRANGEMENT (CVA) DAN PENGURUSAN KEHAKIMAN (JUDICIAL MANAGEMENT (JM)]

Apakah mekanisme penyelamat korporat dan tujuannya?

Akta Syarikat 2016 memperkenalkan kerangka mekanisme penyelamat korporat dalam bentuk perkiraan sukarela korporat (CVA) dan pengurusan kehakiman (JM). Kerangka mekanisme penyelamat korporat bertujuan untuk melindungi kepentingan semua pihak berkepentingan, termasuk syarikat, pemiutang, dan pemegang saham, serta menyediakan proses yang berstruktur dan telus bagi syarikat yang mengalami masalah kewangan untuk menangani krisis kewangan yang dihadapi.



@SSMOFFICIALPAGE



AKTA SYARIKAT (PINDAAN) 2024

SOALAN-SOALAN LAZIM

POLISI 1 : PELUASAN PEMAKAIAN MEKANISME PENYELAMAT KORPORAT, PERKIRAAN SUKARELA KORPORAT [CORPORATE VOLUNTARY ARRANGEMENT (CVA) DAN PENGURUSAN KEHAKIMAN (JUDICIAL MANAGEMENT (JM)]

Apakah CVA?

CVA menyediakan satu bentuk persetujuan penstrukturan semula yang pada masa kini tersedia untuk syarikat persendirian sahaja. Proses CVA membolehkan syarikat yang mengalami masalah kewangan untuk memasuki pelan atau perkiraan dengan pemiutang tanpa perlu mempunyai pelan atau perkiraan yang diluluskan oleh Mahkamah. Selepas pemfailan CVA ke Mahkamah, moratorium selama 28 hari akan bermula dan akan melindungi syarikat daripada sebarang prosiding undang-undang termasuk petisyen untuk menggulung syarikat. Tempoh moratorium boleh dilanjutkan kepada tempoh maksimum 60 hari. Tempoh moratorium adalah penting bagi membolehkan syarikat dan mempertimbangkan pelan atau perkiraan dengan objektif memulihkan syarikat.

Pada masa ini, ketersediaan CVA sebagai mekanisme penyelamat hanya terhad kepada syarikat persendirian yang tidak mempunyai gadaian ke atas aset atau aku janji syarikat tersebut.



@SSMOFFICIALPAGE



AKTA SYARIKAT (PINDAAN) 2024

SOALAN-SOALAN LAZIM

POLISI 1 : PELUASAN PEMAKAIAN MEKANISME PENYELAMAT KORPORAT, PERKIRAAN SUKARELA KORPORAT [CORPORATE VOLUNTARY ARRANGEMENT (CVA) DAN PENGURUSAN KEHAKIMAN (JUDICIAL MANAGEMENT (JM)]

Apakah JM?

JM membenarkan pelantikan oleh Mahkamah Tinggi Malaysia seorang pengurus kehakiman ke atas penghutang korporat yang tidak solven, dalam keadaan di mana ia dapat ditunjukkan bahawa terdapat peluang yang munasabah, antara lain, mengekalkan semua atau sebahagian daripada syarikat sebagai satu usaha berterusan dan agar kepentingan pemiutang lebih terjamin daripada tindakan penggulungan.

Pada masa ini, Mahkamah tidak meluluskan apa-apa permohonan oleh syarikat senaraian awam untuk JM kerana ketidakpastian dalam peruntukan semasa.



@SSMOFFICIALPAGE



AKTA SYARIKAT (PINDAAN) 2024

SOALAN-SOALAN LAZIM

POLISI 1 : PELUASAN PEMAKAIAN MEKANISME PENYELAMAT KORPORAT, PERKIRAAN SUKARELA KORPORAT [CORPORATE VOLUNTARY ARRANGEMENT (CVA) DAN PENGURUSAN KEHAKIMAN (JUDICIAL MANAGEMENT (JM)]

Apakah objektif pindaan ke atas seksyen 395 Akta Syarikat 2016?

Pindaan kepada seksyen 395 bertujuan meluaskan pemakaian CVA kepada semua syarikat termasuk syarikat yang mewujudkan gadaian ke atas harta atau aku janjinya. Kerangka kerja sedia ada sudah menawarkan perlindungan yang mencukupi untuk menangani kepentingan semua pihak berkepentingan termasuk pemiutang bercagar.



@SSMOFFICIALPAGE



AKTA SYARIKAT (PINDAAN) 2024

SOALAN-SOALAN LAZIM

POLISI 1 : PELUASAN PEMAKAIAN MEKANISME PENYELAMAT KORPORAT, PERKIRAAN SUKARELA KORPORAT [CORPORATE VOLUNTARY ARRANGEMENT (CVA) DAN PENGURUSAN KEHAKIMAN (JUDICIAL MANAGEMENT (JM)]

Apakah objektif pindaan ke atas seksyen 403 Akta Syarikat 2016?

Pindaan kepada seksyen 403 bertujuan menjelaskan bahawa pengurusan kehakiman boleh dimohon oleh semua syarikat termasuk syarikat senaraian awam.



@SSMOFFICIALPAGE



AKTA SYARIKAT (PINDAAN) 2024

SOALAN-SOALAN LAZIM

POLISI 1 : PELUASAN PEMAKAIAN MEKANISME PENYELAMAT KORPORAT, PERKIRAAN SUKARELA KORPORAT [CORPORATE VOLUNTARY ARRANGEMENT (CVA) DAN PENGURUSAN KEHAKIMAN (JUDICIAL MANAGEMENT (JM)]

Adakah masih terdapat apa-apa sekatan selepas seksyen 395 dan 403 Akta Syarikat 2016 dipinda?

Pindaan kepada seksyen 395 dan 403 bertujuan membolehkan semua syarikat menggunakan CVA atau JM sekiranya mereka menghadapi masalah kewangan. Walau bagaimanapun, syarikat yang dikawal selia oleh Bank Negara Malaysia dan syarikat yang dilesenkan, diluluskan atau didaftarkan di bawah Akta Pasaran Modal dan Perkhidmatan 2007 [Akta 671] dan Akta Perindustrian Sekuriti (Depositori Pusat) 1991 [Akta 453] tidak layak menggunakan CVA dan JM kerana mereka tertakluk kepada dasar dan perlindungan kewangan dan tadbir urus tertentu yang dikenakan ke atas Bank Negara Malaysia atau Suruhanjaya Sekuriti Malaysia, masing-masing.



@SSMOFFICIALPAGE



AKTA SYARIKAT (PINDAAN) 2024

SOALAN-SOALAN LAZIM

POLISI 2 :MEMPERKUKUHKAN KERANGKA REHABILITASI KORPORAT

(A) Penambahbaikan peruntukan-peruntukan berkaitan skim perkiraan atau kompromi (SPK)

Apakah skim perkiraan atau kompromi (SPK)?

Skim perkiraan atau kompromi ialah proses yang biasa digunakan oleh syarikat yang mengalami masalah kewangan untuk tujuan penstrukturan semula hutang mereka, dan pada masa yang sama mendapatkan faedah dari perintah halangan seliaan Mahkamah yang menghalang apa-apa prosiding undang-undang termasuk apa-apa petisyen untuk menggulung syarikat daripada dimulakan. Skim perkiraan atau kompromi membolehkan skim yang diluluskan oleh Mahkamah dikenakan ke atas semua pemiutang dan ahli, dengan syarat pengundian secara majoriti telah diperolehi.

SPK bukan secara eksklusif hanya untuk syarikat yang mengalami masalah kewangan dan ia juga digunakan secara meluas oleh entiti yang solven.



@SSMOFFICIALPAGE



AKTA SYARIKAT (PINDAAN) 2024

SOALAN-SOALAN LAZIM

POLISI 2 : MEMPERKUKUHKAN KERANGKA REHABILITASI KORPORAT

(A) Penambahbaikan peruntukan-peruntukan berkaitan skim perkiraan atau kompromi (SPK)

Apakah rasional untuk mengukuhkan kerangka SPK?

Di Malaysia, kerangka SPK adalah mekanisme yang digunakan secara meluas untuk merehabilitasi syarikat yang mengalami masalah kewangan akibat pelbagai sebab seperti kebiasaan sektor korporat dengan kerangka SPK dan pada dasarnya pengarah-pengarah syarikat masih di bawah kawal selia pihak pengurusan syarikat tersebut. Oleh itu, pengarah-pengarah syarikat diberikan insentif untuk mencadangkan plan rehabilitasi yang mempunyai kadar berkemungkinan tinggi untuk berjaya.

Dengan itu, Rang Undang-Undang Syarikat (Pindaan) 2023 ini memperkenalkan peruntukan-peruntukan yang lebih komprehensif sejajar dengan piawaian antarabangsa untuk memastikan SPK boleh digunakan sebagai plan rehabilitasi yang lebih efektif untuk syarikat-syarikat yang mengalami masalah kewangan.



@SSMOFFICIALPAGE

AKTA SYARIKAT (PINDAAN) 2024

SOALAN-SOALAN LAZIM

POLISI 2 :MEMPERKUKUHKAN KERANGKA REHABILITASI KORPORAT

(A) Penambahbaikan peruntukan-peruntukan berkaitan skim perkiraan atau kompromi (SPK)

Antara polisi utama yang diperkenalkan di bawah cadangan pindaan adalah seperti berikut:

- a) Pengenalan tempoh moratorium secara automatik untuk syarikat yang memohon perintah sekatan di bawah SPK
- b) Peruntukan tentang perintah halangan oleh syarikat berkaitan yang memainkan peranan penting dalam pelan rehabilitasi
- c) Peruntukan untuk pembiayaan penyelamat
- d) Peruntukan tentang kuasa Mahkamah mengarahkan persetujuan kelas pemiutang (*cram down*)
- e) Keperluan mandatori untuk pelantikan pengamal insolvensi bagi mengawasi pelan rehabilitasi itu



AKTA SYARIKAT (PINDAAN) 2024

SOALAN-SOALAN LAZIM

POLISI 2 :MEMPERKUKUHKAN KERANGKA REHABILITASI KORPORAT

(A) Penambahbaikan peruntukan-peruntukan berkaitan skim perkiraan atau kompromi (SPK)

Kenapa pengenalan moratorium secara automatik adalah penting?

Akta Syarikat (Pindaan) 2024 ini memperkenalkan subseksyen 368(1A) baharu di mana syarikat yang membuat permohonan perintah halangan di bawah SPK diberikan moratorium secara automatik setelah memfailkan permohonan itu untuk tempoh maksimum 2 bulan atau sehingga Mahkamah membuat keputusan terhadap permohonan itu, yang mana terdahulu.

Sepanjang tempoh moratorium, syarikat diberikan perlindungan daripada prosiding perundangan termasuk petisyen untuk menggulungkan syarikat. Dalam erti kata lain, syarikat akan sentiasa dilindungi sehingga perintah halangan diberikan oleh Mahkamah.



@SSMOFFICIALPAGE



AKTA SYARIKAT (PINDAAN) 2024

SOALAN-SOALAN LAZIM

POLISI 2 :MEMPERKUKUHKAN KERANGKA REHABILITASI KORPORAT

(A) Penambahbaikan peruntukan-peruntukan berkaitan skim perkiraan atau kompromi (SPK)

Apakah kepentingan membenarkan syarikat berkaitan dilindungi oleh perintah halangan?

Dalam keadaan tertentu, penstrukturan semula tidak melibatkan hanya satu syarikat. Dalam penstrukturan semula secara besar-besaran untuk kumpulan syarikat, terdapat beberapa entiti lain mungkin terlibat walaupun bukan sebahagian daripada SPK tersebut.

Menyedari keadaan ini, Rang Undang-Undang Syarikat (Pindaan) 2023 ini memperkenalkan seksyen baharu 368A di mana syarikat berkaitan boleh memohon perintah halangan atas terma yang sama dengan syarikat yang menjalani SPK tersebut dengan syarat syarikat itu memainkan peranan penting dalam SPK tersebut di mana SPK tersebut akan gagal jika tindakan diambil terhadap syarikat berkaitan dan bahawa pemiutang syarikat berkaitan tidak akan diprejudis jika perintah halangan diberikan.



@SSMOFFICIALPAGE



AKTA SYARIKAT (PINDAAN) 2024

SOALAN-SOALAN LAZIM

POLISI 2 :MEMPERKUKUHKAN KERANGKA REHABILITASI KORPORAT

(A) Penambahbaikan peruntukan-peruntukan berkaitan skim perkiraan atau kompromi (SPK)

Apakah itu pembiayaan penyelamat dan kepentingannya dalam suatu SPK?

Di bawah seksyen baharu 368B, pembiayaan penyelamat ditakrifkan sebagai pembiayaan yang diperlukan untuk kelangsungan hidup syarikat yang memperoleh pembiayaan atau di mana pembiayaan itu adalah perlu untuk memastikan aset syarikat yang memperoleh pembiayaan tersebut boleh direalisasikan dengan lebih banyak faedah berbanding jika syarikat tersebut digulungkan.

Pembiayaan penyelamat membenarkan syarikat penghutang boleh meneruskan perniagaan, membayar pembekalnya dan pemiutang lain. Dalam erti kata lain, mengikut keadaan, pembiayaan penyelamat adalah penting untuk memastikan skim yang dicadangkan akan berjaya.

Dengan mengambil kira keadaan di mana syarikat yang mengalami masalah kewangan kebiasaannya akan menghadapi kos pinjaman yang lebih tinggi memandangkan bank atau institusi kewangan menjadi lebih berhati-hati untuk memberikan pinjaman baharu tanpa sebarang perlindungan maka polisi baharu yang diperkenalkan ini akan memberikan perlindungan yang lebih baik kepada pihak yang memberi pembiayaan penyelamat.

Oleh yang demikian, di bawah seksyen 368B yang dicadangkan, Mahkamah diberi kuasa untuk memerintahkan jika terdapat hutang daripada sebarang pembiayaan penyelamat akan dicagarkan ke atas harta syarikat dengan syarat tertentu. Sekiranya syarikat digulungkan, hutang daripada pembiayaan penyelamat akan diberi keutamaan yang paling tinggi berbanding semua hutang lain.



@SSMOFFICIALPAGE



AKTA SYARIKAT (PINDAAN) 2024

SOALAN-SOALAN LAZIM

POLISI 2 : MEMPERKUKUKAN KERANGKA REHABILITASI KORPORAT

(A) Penambahbaikan peruntukan-peruntukan berkaitan skim perkiraan atau kompromi (SPK)

Apakah *cram down* dan mengapa ia penting di bawah kerangka SPK yang telah ditambahbaik?

Kuasa Mahkamah yang mengarahkan persetujuan kelas pemiutang (*cram down*) merupakan satu mekanisme yang membolehkan Mahkamah mengarah pemiutang yang menentang untuk bersetuju dengan SPK yang telah dicadangkan. Matlamat mekanisme ini adalah untuk memastikan bahawa syarikat yang berhadapan dengan kesukaran akan mempunyai skim yang berjaya dengan gangguan yang kurang dan pada masa yang sama memberikan perlindungan kepada pemiutang yang menentang.

Rang Undang-Undang Syarikat (Pindaan) 2023 ini memperkenalkan seksyen baharu 368D yang membenarkan permohonan bagi *cram down* dibuat kepada Mahkamah dengan syarat:

- (a) Skim ini diluluskan oleh majoriti yang mewakili sekurang-kurangnya 75% daripada jumlah nilai pemiutang atau anggota atau kelas anggota yang hadir dan mengundi dalam mesyuarat itu
- (b) Skim ini adalah adil dan saksama kepada setiap kelas pemiutang yang menentang dan tidak mendiskriminasi secara tidak adil antara kelas pemiutang.

Permohonan *cram down* mesti memastikan bahawa pemiutang yang menentang akan menerima sekurang-kurangnya nilai yang sama dengan tuntutan mereka yang telah diluluskan berbanding jika syarikat itu dilikuidasikan.



@SSMOFFICIALPAGE

AKTA SYARIKAT (PINDAAN) 2024

SOALAN-SOALAN LAZIM

POLISI 2 :MEMPERKUKUHKAN KERANGKA REHABILITASI KORPORAT

(A) Penambahbaikan peruntukan-peruntukan berkaitan skim perkiraan atau kompromi (SPK)

Apakah kepentingan peranan pengamal insolvensi dalam SPK di bawah Rang Undang-Undang Syarikat (Pindaan) 2023?

Rang Undang-Undang Syarikat (Pindaan) 2023 ini memperkenalkan polisi baharu melalui pindaan kepada seksyen 367 bahawa pelantikan pengamal insolvensi adalah mandatori apabila syarikat yang mencadangkan SPK membuat permohonan yang melibatkan pembiayaan penyelamat, *cram down*, kelulusan skim yang dicadangkan tanpa mesyuarat pemiutang atau apabila syarikat berkaitan membuat permohonan untuk perintah halangan berhubung dengan skim yang dicadangkan.

Rang Undang-Undang Syarikat (Pindaan) 2023 ini menekankan kepentingan peranan pengamal insolvensi untuk menyelia skim yang dicadangkan dan melaporkan statusnya kepada Mahkamah sebelum skim itu diluluskan. Ini adalah untuk memastikan peluang yang lebih tinggi untuk skim yang dicadangkan untuk berjaya.

AKTA SYARIKAT (PINDAAN) 2024

SOALAN-SOALAN LAZIM

POLISI 2 : MEMPERKUKUKAN KERANGKA REHABILITASI KORPORAT

(B) Penambahbaikan peruntukan lain berkaitan perkiraan sukarela korporat/pengurusan kehakiman/skim perkiraan dan kompromi (CVA/JM/SPK)

Apakah peruntukan-peruntukan lain yang diperkenalkan untuk menambahbaik kerangka rehabilitasi korporat?

Antara pindaan penting yang diperkenalkan bagi menambahbaik kerangka rehabilitasi korporat di bawah Akta Syarikat adalah seperti berikut:

- a) Membenarkan Mahkamah melanjutkan tempoh perintah pengurusan kehakiman melebihi 12 bulan
- b) Membenarkan syarikat-syarikat yang telah mendapat perintah pengurusan kehakiman akses kepada pembiayaan penyelamat
- c) Meminimumkan kerugian yang dihadapi oleh syarikat dalam prosiding insolvensi dengan membenarkan pemiutang bercagar mendapatkan semula aset dalam keadaan tertentu
- d) Memastikan syarikat-syarikat dalam prosiding insolvensi terus dibekalkan dengan barangan dan perkhidmatan perlu untuk mengurangkan gangguan dalam operasi mereka

AKTA SYARIKAT (PINDAAN) 2024

SOALAN-SOALAN LAZIM

POLISI 2 : MEMPERKUKUHKAN KERANGKA REHABILITASI KORPORAT

(B) Penambahbaikan peruntukan lain berkaitan perkiraan sukarela korporat/pengurusan kehakiman/skim perkiraan dan kompromi (CVA/JM/SPK)

Mengapa tempoh perintah pengurusan kehakiman mesti dibenarkan melebihi 12 bulan?

Subseksyen 406(1) dan (2) memperuntukkan bahawa tempoh perintah pengurusan kehakiman adalah selama tempoh 6 bulan dari tarikh perintah itu. Tempoh ini boleh dilanjutkan selama 6 bulan lagi atas permohonan oleh pengurus kehakiman kepada Mahkamah.

Walau bagaimanapun, dalam keadaan tertentu, lebih banyak masa diperlukan untuk membolehkan pengurus kehakiman yang dilantik itu membentangkan pelan pemulihan komprehensif untuk syarikat yang mengalami masalah kewangan. Oleh itu, pindaan kepada subseksyen-subseksyen ini diperkenalkan untuk membolehkan tempoh masa yang mencukupi dan tidak terhad kepada tempoh maksimum 12 bulan bagi pengurus kehakiman menjalankan tugasnya seperti membuat syor yang sesuai mengikut terma-terma yang dikenakan oleh Mahkamah.

AKTA SYARIKAT (PINDAAN) 2024

SOALAN-SOALAN LAZIM

POLISI 2 :MEMPERKUKUHKAN KERANGKA REHABILITASI KORPORAT

(B) Penambahbaikan peruntukan lain berkaitan perkiraan sukarela korporat/pengurusan kehakiman/skim perkiraan dan kompromi (CVA/JM/SPK)

Apakah objektif dan faedah utama seksyen baharu 415A berkaitan pembiayaan penyelamat seperti yang dicadangkan di bawah Undang- Undang Syarikat (Pindaan) 2023?

Objektif utama seksyen baharu 415A adalah untuk membenarkan syarikat di bawah pengurusan kehakiman mendapatkan pembiayaan penyelamat, sama seperti polisi yang diperkenalkan untuk syarikat yang mencadangkan skim perkiraan dengan pemiutangnya (SPK). Dengan pengenalan peruntukan baharu ini, Mahkamah diberi kuasa untuk memerintahkan hutang daripada sebarang pembiayaan penyelamat dicagarkan terhadap harta syarikat mengikut syarat tertentu. Sekiranya syarikat digulungkan, hutang daripada pembiayaan penyelamat tersebut diberi keutamaan yang paling tinggi berbanding semua hutang lain.

AKTA SYARIKAT (PINDAAN) 2024

SOALAN-SOALAN LAZIM

POLISI 2 : MEMPERKUKUHKAN KERANGKA REHABILITASI KORPORAT

(B) Penambahbaikan peruntukan lain berkaitan perkiraan sukarela korporat/pengurusan kehakiman/skim perkiraan dan kompromi (CVA/JM/SPK)

Apakah matlamat utama seksyen baharu 398A dan subseksyen baharu 411(5) berkaitan dengan mendapatkan semula harta oleh pemiutang bercagar?

Matlamat utama seksyen baharu 398A dan subseksyen baharu 411(5) adalah bertujuan untuk memberikan relif kepada syarikat dengan membenarkan pemiutang bercagar untuk mengambil milikan, melaksanakan apa-apa hak atau mendapatkan semula harta yang dicagar semasa moratorium dalam perkiraan sukarela atau pengurusan kehakiman berdasarkan keadaan harta tersebut. Sebagai contoh, pemiutang bercagar boleh mengambil semula barang yang mudah rosak atau mana-mana jentera di bawah perjanjian sewa beli yang tidak digunakan oleh syarikat semasa proses perkiraan sukarela atau pengurusan kehakiman. Dengan ini, barangan yang mudah rosak tidak akan menjadi sia-sia dan pembekal tidak perlu memohon bayaran bagi barangan tersebut daripada syarikat. Dalam kes yang melibatkan jentera, jentera ini tidak akan terbiar dan rosak jika syarikat mempunyai sumber yang terhad untuk memastikan jentera itu diselenggarakan dengan baik. Tindakan ini juga akan membolehkan syarikat mengurangkan sebarang keterhutangan ke atas harta yang dicagar tersebut dengan pihak pemiutang bercagar berkenaan.

AKTA SYARIKAT (PINDAAN) 2024

SOALAN-SOALAN LAZIM

POLISI 2 : MEMPERKUKUKAN KERANGKA REHABILITASI KORPORAT

(B) Penambahbaikan peruntukan lain berkaitan perkiraan sukarela korporat/pengurusan kehakiman/skim perkiraan dan kompromi (CVA/JM/SPK)

Apakah yang diperuntukkan oleh seksyen 430A kepada pembekal dan syarikat apabila syarikat itu tertakluk kepada prosiding berhubung dengan kompromi atau perkiraan, perkiraan sukarela atau pengurusan kehakiman?

Bagi syarikat yang menjadi tertakluk kepada prosiding berhubung dengan kompromi atau perkiraan, perkiraan sukarela atau pengurusan kehakiman, seksyen 430A memperuntukkan bahawa *insolvency related clause* dalam mana-mana kontrak untuk pembekalan barang dan perkhidmatan penting tidak boleh dilaksanakan terhadap syarikat semata-mata kerana syarikat itu tertakluk kepada mana-mana prosiding tersebut.

Ini bermakna di bawah seksyen baharu 430A, pembekal perlu terus memenuhi komitmen mereka di bawah kontrak mereka supaya syarikat boleh meneruskan kelangsungan perniagaan melalui proses rehabilitasi, termasuk memudahkan syarikat mengekalkan bekalan kontrak yang penting untuk kelangsungan perniagaan. Pembekalan penting kontrak yang akan dicadangkan di bawah seksyen baharu ini termasuk bekalan air, elektrik atau gas.



AKTA SYARIKAT (PINDAAN) 2024

SOALAN-SOALAN LAZIM

POLISI 3 : MEMPERKUKUH KERANGKA PELAPORAN PEMUNYAAN BENEFISIAL

Apakah yang dimaksudkan dengan kerangka pelaporan pemunyaan benefisial?

Kerangka pelaporan pemunyaan benefisial adalah satu kerangka yang mengenakan obligasi ke atas syarikat untuk mendapatkan, mengesahkan dan merekodkan maklumat pemunya benefisial mereka. Syarikat perlu menyimpan maklumat pemunyaan benefisial yang terkini dan menyerahkan simpan maklumat tersebut dengan Pendaftar seperti yang dikehendaki. Pada ketika ini, keperluan pelaporan pemunyaan benefisial adalah seperti yang diperuntukkan di bawah seksyen 51 dan 56 Akta Syarikat 2016.



@SSMOFFICIALPAGE